



Ross Procedure Qalliinka Ross



Ogeysiis:

Lub Plawv Li Ib Txwm



The Children's Heart Clinic, 2530 Chicago Avenue S, Ste 500, Minneapolis, MN 55404
612-813-8800 * Toll Free: 1-800-938-0301 * Fax: 612-813-8825
Children's Hospital of Minnesota, 2525 Chicago Avenue S, Minneapolis, MN 55404

Qalliinka Ross (Faramaynta Sambabka Wax Jirka Looga Goynayo) Ross Procedure

Qalliinka Ross waxaa lagu beddelaa daboolka halbowlaha weyn ee dhuubta, ama ciriirka noqda. Qalliinkan waxaa badanaa la sameeyaa marka uu daboolka halbowlaha aad u weyn yahay oo uusan le'ekeyn halbowlahii asalka ahaa ee ilmuhu ku dhashay. Marka la sameynayo qalliinkan, daboolka hlbowlaha ciriirka ah waxaa lagu beddelayaa mid laga soo goynayo sambabka ilmaha iyo marinka right ventricle to pulmonary artery (qalbaca midig ee halbowlaha sambabada ama RV-PA) waxaa loo isticmaalayaa si loogu beddelo daboolk sambabka ilmaha. Waxaa jira waxyaabo badan oo loo isticmaalo marinka RV-PA. Waxa ay ku xiran tahay qorshaha qalliinka iyo qaabka, marinnada waxaa laga sameynaya Gore-tex®(Gore), wax laga soo gooyo jirka ilmaha (wax laga keenay noole ah aadane), Marinnada Contegra® (Medtronic) (xididka (sac) muruqa xawlmariidka), ama marinnada Hancock® (Medtronic) (tuubada Dacron oo u eg qaansiir (doofaar) muruqiis) ayaa la isticmaalayaa.

Furista bartanka shafka (jeexid ah qeybta dhexe ee shafka) ayaa la sameynayaa iyadoo la marayo jeexid ah qalliin hore, haddii uu jiro. Waxaa ilmaha yar lagu xirayaa wadne iyo sambab macmal ah (mashiin ah wadne–sambab). Halbowlaha wadnaha waa la furayaa oo waxaa laga soo saarayaa dabool liifad ah. Haddii ay qorshaha qalliinka qeyb ka tahay, jeexitaan ayaa la samayn karaa si loo weyneeyo halbowlaha hoostiisa daboolka. Halbowleyaasha xalmariidka ayaa laga goynayaa halbowle leh xuub “batoon” oo kale u eg. Daboolka sambabka ee qeyb ahaan ugu wareegsan, ama “jirkiisa qeyb laga gooyey,” ayaa lagu beerayaa. Qalitaanka sambabada ayaa marka laga tolayaa booska halbowlaha weyn. Godadku ayaa laga soo goynayaa dhinaca qeyb jirkiisa ka mid ah, oo batoonka xididka wadnaha ayaa lagu tolayaa meesha saxda ah. Halbowlaha kor u socda ayaa markaas qeybta jirka ah lagu dhejinayaa sambabka, si loo dhammeystiro waxa cusub ee loo sameeyey halbowlaha dhiigga ee weyn. Waxaa la soo xulayaa marin cabbir RV-PA sax ah oo ku habboon. Tuubada hal dhinac ayaa laga tolayaa meesha laga jeexay halbowlaha sambabka oo kan kalena waxaa lagu tolayaa meesha laga jeexay ee qalbaca midig.

Hawlgalka Caadiga ah ee Qalliinka Ka-dib:

- Wakhtiguu Qaadanayo Qalliinka: 5 saac
- Qalabka Tuubooyinka: Badanaa ilmaha waxaa lagu soo celinayaa Xarunta Daryeelka Wadnaha ka dib qalliinka oo waxaa lagu xirayaa tuubo ah neefsashada, mid halbowle oo lagula soconayo cadaadiska dhiigga, mid kale oo ah xididdada (oo faleebbe laga qaato ama dhiig laga qaado), faleebbe bannaanka ah, tuubooyinka xabadka Foley oo dheecaanka looga daadinayo, iyo xargaha hagaajinta oo meelgaar ah.
- Soo-kabashada Caadiga ah Qalliinka Ka-Dib: Tuubada neefsashada ayaa badanaa laga saarayaa 24 saac ka dib qalliinka. Tuubada halbowlaha badanaa waxaa laga saarayaa maalmo ka dib, marka laga joojiyo faleebbaha. Tuubada xididada bartamaha waxaa laga bixinayaa marka laga joojiyo ee aan loo baahneyn daawada iyo dhiigga laga qaadayo faleebbaha ama IV. Tuubooyinka xabadka waxaa laga saaraa 24 ilaa 48 saac ka dib qalliinka, markuu yaraado dheecaanka soo baxaya. Waxay ku xiran tahay nooca qulqulka dhiigga ee qorshaha qalliinka, oo ilmaha waxaa loo qorayaa aspirin wakhti muddo ah qalliinka ka dib.
- Muddada Seexinta Isbitaalka: Wuxuu ilmuhu isbitaalka joogayaa badanaa 6 maalmood ka dib marka la marsiiyo qalliinka Ross.

Qaadashada Daawooyinka Guriga: Carruurtu waxa ay u baahan karaan hal daawo ama in ka badan in ay qalliinka Ross guriga u qaataan sida:

- Daawada biyaha saarta (Lasix) si looga xakameeyo dareeraha
- Daawada dhiigga jilcisa (Aspirin) looga hortagi karo xinjirowga
- Antibiyootigga bakteeriyada ilkaha ayaa loo qori karaa.